



পত্র নং- বা: স্কা: (স্পেশাল ইভেন্টস)/১৯৬৯(১২০০)/২০২১

তারিখ: ১৭ চৈত্র ১৪২৭  
৩১ মার্চ ২০২১

## পরিপত্র

**বিষয়: বাংলাদেশ স্কাউটস দিবস উদযাপন।**

‘বাংলাদেশ স্কাউটস’ বাংলাদেশের জাতীয় স্কাউট সংগঠন। এ ভূখণ্ডে স্কাউটিং কার্যক্রম শুরু হয় ১৯১৪ সালে তৎকালীন স্কাউট এ্যাসোসিয়েশনের ব্রিটিশ ভারতীয় শাখার অংশ হিসেবে। পরবর্তীতে ইস্ট বেঙ্গল স্কাউট এ্যাসোসিয়েশনের অংশ হিসেবে বাংলাদেশের স্বাধীনতার পূর্ব পর্যন্ত এভুখণ্ডে স্কাউটিং কার্যক্রম চালু ছিল। বাংলাদেশের মহান স্বাধীনতা যুদ্ধের সময় ১৯৭১ সালের এপ্রিল মাসে এর নাম পরিবর্তন করে ‘বাংলাদেশ বয় স্কাউট এ্যাসোসিয়েশন’ করা হয়। পরবর্তীতে ১৯৭২ সালের ৮-৯ এপ্রিল সারাদেশের স্কাউট নেতৃবৃন্দ ঢাকায় এক সভায় মিলিত হয়ে গঠন করেন বাংলাদেশ স্কাউট সমিতি। ঐ বছরের ৯ সেপ্টেম্বর গণপ্রজাতন্ত্রী বাংলাদেশের মহামান্য রাষ্ট্রপতির ১১১ নং অধ্যাদেশ বলে উক্ত সমিতি সরকারি স্বীকৃতি লাভ করে।

২। বিশ্ব স্কাউট সংস্থা (WOSM) ১৯৭৪ সালের ১ জুন বাংলাদেশ বয় স্কাউট সমিতিকে ১০৫ তম সদস্য হিসেবে স্বীকৃতি দেয়। ১৯৭৮ সালের ১৮ জুন জাতীয় কাউন্সিলের পঞ্চম সভায় পুনরায় এর নাম পরিবর্তন করে রাখা হয় ‘বাংলাদেশ স্কাউটস’। স্কাউটিং এ মেয়েদের অংশগ্রহণের সুযোগ দেওয়ার লক্ষে ১৯৯৪ সালের ২৪ মার্চ তারিখে অনুষ্ঠিত জাতীয় কাউন্সিলের একুশতম বার্ষিক (ত্রৈ-বার্ষিক) সাধারণ সভায়, বাংলাদেশে গার্ল ইন স্কাউটিং চালু করা হয়।

৩। ৩ অক্টোবর ২০২০ তারিখে অনুষ্ঠিত বাংলাদেশ স্কাউটস এর জাতীয় নির্বাহী কমিটির ২৪৮ তম সভায় সিদ্ধান্ত অনুযায়ী প্রতি বছর ৮ এপ্রিল বাংলাদেশ স্কাউটস এর সূচনা দিবস হিসেবে ‘বাংলাদেশ স্কাউটস দিবস’ উদযাপনের সিদ্ধান্ত গ্রহণ করা হয়। এ প্রেক্ষিতে আগামী ৮ এপ্রিল ২০২১ বৃহস্পতিবার প্রথমবারের মতো দেশব্যাপী উদযাপিত হবে ‘বাংলাদেশ স্কাউটস দিবস’। দিবসটি যথাযথ মর্যাদায় উদযাপনের জন্য স্বাস্থ্য বিধি শতভাগ অনুসরণপূর্বক বাংলাদেশ স্কাউটস বিভিন্ন কর্মসূচি গ্রহণ করেছে।

৪। আগামী ৮ এপ্রিল ২০২১, বৃহস্পতিবার সকল ইউনিট, উপজেলা, জেলা ও আঞ্চলিক স্কাউট কার্যালয়, প্রশিক্ষণ কেন্দ্র এবং সদর দপ্তরে পরিপাটি স্কাউট পোশাকে স্কাউট পতাকা উত্তোলন, জাতীয় ও আঞ্চলিক কার্যালয় এবং প্রশিক্ষণ কেন্দ্রসমূহে আলোকসজ্জাকরণ, ডিজিটাল ব্যানার, ফেস্টুন তৈরী ও প্রদর্শন, গুডটার্ন, মাস্ক বিতরণ, মাস্ক ব্যবহারে উদ্বুদ্ধকরণ, স্বাস্থ্য বিধি প্রচার ইত্যাদি কর্মসূচি গ্রহণ ও বাস্তবায়ন করবে। স্কাউট দিবস উদযাপনের মাধ্যমে কাব স্কাউট, স্কাউট, রোভার স্কাউটরা স্কাউট আইন ও প্রতিজ্ঞার যথাযথ অনুসরণে উদ্বুদ্ধ হবে এবং বাংলাদেশ স্কাউটসের ইতিহাস ও কার্যক্রম সম্পর্কে নিজে জানবে এবং অন্যকে স্কাউট আন্দোলনে সম্পৃক্ত হতে উদ্বুদ্ধ করবে। দেশব্যাপী “বাংলাদেশ স্কাউটস দিবস উদযাপন সম্পর্কীয় কর্মসূচি সংযোজনী-‘ক’ সংযুক্ত করা হলো।

৫। বাংলাদেশ স্কাউটস দিবসে উপরিউক্ত কর্মসূচি বাস্তবায়ন এবং বাস্তবায়ন শেষে বিস্তারিত সচিত্র প্রতিবেদন (সফট কপিসহ) আগামী ১৫ এপ্রিল ২০২১ তারিখের মধ্যে জাতীয় সদর দফতরে প্রেরণের জন্য সংশ্লিষ্ট সকলকে অনুরোধ করা হলো। এছাড়াও বাস্তবায়িত কার্যক্রমসমূহের স্থির চিত্র বাংলাদেশ স্কাউটস এর ফেসবুক পেইজ (facebook.com/bdscouts) এ আপলোড করার জন্য অনুরোধ করা হলো।

৬। সকল কর্মসূচি বাস্তবায়নে স্বাস্থ্য বিধি সম্পূর্ণভাবে মেনে চলতে হবে।

৩১/৩/২০২১

(আরশাদুল মুকাদ্দিস)

নির্বাহী পরিচালক

বাংলাদেশ স্কাউটস।

### বিতরণ : জ্ঞাতার্থে ও কার্যার্থে :

- ১। সম্পাদক, বাংলাদেশ স্কাউটস, সকল অঞ্চল;
- ২। আঞ্চলিক পরিচালক/উপ পরিচালক, বাংলাদেশ স্কাউটস, সকল অঞ্চল;
- ৩। প্রফেশনাল স্কাউট এক্সিকিউটিভ (সকল), বাংলাদেশ স্কাউটস;
- ৪। সম্পাদক, বাংলাদেশ স্কাউটস, সকল জেলা/জেলা রোভার/রেলওয়ে জেলা/নৌ জেলা/এয়ার জেলা;
- ৫। সম্পাদক, বাংলাদেশ স্কাউটস, সকল উপজেলা

### সদয় জ্ঞাতার্থে ও কার্যার্থে :

- ১। জাতীয় নির্বাহী কমিটির সম্মানিত সদস্য (সকল), বাংলাদেশ স্কাউটস।

### সদয় জ্ঞাতার্থে:

- ১। সভাপতি, বাংলাদেশ স্কাউটস;
- ২। প্রধান জাতীয় কমিশনার, বাংলাদেশ স্কাউটস;
- ৩। জাতীয় কমিশনার (সকল), বাংলাদেশ স্কাউটস;



সংযোজনী-‘ক’

## “বাংলাদেশ স্কাউটস দিবস” ২০২১

৮ এপ্রিল ২০২১ (বৃহস্পতিবার)

অঞ্চল, জেলা, উপজেলা, গ্রুপ ও ইউনিট পর্যায়ের কর্মসূচি

ক্রমিক	সময়	অনুষ্ঠানের বিবরণ	অংশগ্রহণকারী	দায়িত্ব ও বাস্তবায়নকারী
১	অনুষ্ঠানের পূর্ব দিন ও অনুষ্ঠানের দিন	আলোকসজ্জাকরণ		সদর দফতর, সকল অঞ্চল, আঞ্চলিক প্রশিক্ষণ কেন্দ্র
২	অনুষ্ঠানের পূর্ব দিন ও অনুষ্ঠানের দিন	ডিজিটাল ব্যানার, ফেস্টুন ও পোস্টার প্রদর্শন (অনলাইনে)	সকল কাব স্কাউট, স্কাউট, রোভার স্কাউট, ইউনিট লিডার, স্কাউট কর্মকর্তা	সকল অঞ্চল, আঞ্চলিক প্রশিক্ষণ কেন্দ্র, জেলা, উপজেলা, গ্রুপ ও ইউনিট এর সদস্য সকল
৩	অনুষ্ঠানের দিন	স্কাউট পতাকা উত্তোলন	সীমিত সংখ্যক কাব স্কাউট, স্কাউট, রোভার স্কাউট, ইউনিট লিডার, স্কাউট কর্মকর্তা	সকল অঞ্চল, আঞ্চলিক প্রশিক্ষণ কেন্দ্র, জেলা, উপজেলা, গ্রুপ ও ইউনিট এর সদস্য সকল
৪	অনুষ্ঠানের দিন	বাংলাদেশ স্কাউটসের ইতিহাস ও কার্যক্রম সম্পর্কে আলোচনা সভা ও সাংস্কৃতিক অনুষ্ঠান (অনলাইনে)	কাব স্কাউট, স্কাউট, রোভার স্কাউট, ইউনিট লিডার, স্কাউট কর্মকর্তা ও সাধারণ শিক্ষার্থী	সকল অঞ্চল, আঞ্চলিক প্রশিক্ষণ কেন্দ্র, জেলা, উপজেলা, গ্রুপ ও ইউনিট এর সদস্য সকল
৫	অনুষ্ঠানের দিন এবং আগে ও পরে	গুড টার্ন (ব্যক্তিগতভাবে)	কাব স্কাউট, স্কাউট, রোভার স্কাউট, ইউনিট লিডার, স্কাউট কর্মকর্তা	সকল অঞ্চল, আঞ্চলিক প্রশিক্ষণ কেন্দ্র, জেলা, উপজেলা, গ্রুপ ও ইউনিট এর সদস্য সকল
৬	অনুষ্ঠানের দিন এবং আগে ও পরে	মাস্ক বিতরণ, মাস্ক ব্যবহার ও স্বাস্থ্য বিধি অনলাইনে প্রচার	সকল স্কাউট, রোভার স্কাউট, ইউনিট লিডার, স্কাউট কর্মকর্তা	সকল অঞ্চল, জেলা, উপজেলা, গ্রুপ ও ইউনিট এর সদস্য সকল
৭	অনুষ্ঠানের দিন	বাংলাদেশ স্কাউটস এর ইতিহাস ও কর্মকাণ্ড বিষয়ে ছড়া, কবিতা ও রচনা প্রতিযোগিতা আয়োজন (অনলাইনে)	কাব স্কাউট, স্কাউট, রোভার স্কাউট	সকল অঞ্চল, আঞ্চলিক প্রশিক্ষণ কেন্দ্র, জেলা, উপজেলা, গ্রুপ ও ইউনিট এর সদস্য সকল
৮	অনুষ্ঠানের দিন, আগে ও পরে	জাতীয় সদর দফতর থেকে সরবরাহকৃত ভিডিও প্রদর্শন		

বিশেষ দৃষ্টব্য: সকল কর্মসূচি বাস্তবায়নে সরকার নির্দেশিত সকল স্বাস্থ্য বিধি সম্পূর্ণভাবে মেনে চলতে হবে।